



An Bhruiséil, 17 Meitheamh 2024
(OR. en)

Comhad Idirinstitiúideach:
2023/0085(COD)

11312/24
ADD 1

ENV 672
CLIMA 252
CONSOM 228
MI 629
IND 324
COMPET 685
CODEC 1570

TORADH NA nIMEACHTAÍ

ó:	Ardrúnaíocht na Comhairle
chuig:	na toscaireachtaí
Uimh. an doic. roimhe seo:	10940/24
Uimh. an doic. ón gCoim.:	7777/23 - COM(2023) 166 final
Ábhar:	Togra le haghaidh Treoir ó Pharlaimint na hEorpa agus ón gComhairle maidir le bunús a thabhairt le maímh chomhshaoil shainráite agus iad a chur in iúl (Treoir maidir le Maímh Ghlasa) – Cur chuige ginearálta = Ráiteas

Gheobhaidh na toscaireachtaí, san Iarscríbhinn a ghabhann leis seo, ráiteas ón Laitvia maidir leis an gcur chuige ginearálta i ndáil leis an Treoir ó Pharlaimint na hEorpa agus ón gComhairle maidir le bunús a thabhairt le maímh chomhshaoil shainráite agus iad a chur in iúl (Treoir maidir le Maímh Ghlasa). Cuirfear an ráiteas isteach i miontuairiscí chruinniú na Comhairle (Comhshaoil) an 17 Meitheamh 2024.

Ráiteas ón Laitvia

maidir le togra le haghaidh Treoir ó Pharlaimint na hEorpa agus ón gComhairle maidir le bunús a thabhairt le maímh chomhshaoil shainráite agus iad a chur in iúl (Treoir maidir le Maímh Ghlasa)

Tacaíonn an Laitvia le príomhchuspóirí na Treorach chun leibhéal na cosanta comhshaoil a mhéadú agus rannchuidiú le dlús a chur leis an aistriú glas i dtreo geilleagar aeráidneodrach, glan agus ciorclach san Aontas.

Ag an am céanna, creidimidne gur cheart go mbeadh breisluach leordhóthanach ag baint leis na bearta a ghlacfar chun na cuspóirí sin a bhaint amach agus gur cheart dóibh a bheith praiticiúil agus éifeachtach. Is ábhar inní fós iad Airteagail 11, 12, 15 agus 17 toisc go gcuireann siad ualach breise riaracháin agus airgeadais nach bhfuil gá leis ar na húdaráis um fhaireachas margaidh agus ar na trádálaithe, agus coinníollacha ró-mhionsonraithe á gcur i bhfeidhm acu maidir le faireachán a dhéanamh ar ghearáin, iad a láimhseáil agus pionóis a fhorchur.

Is cúis inní ar leith don Laitvia an t-ualach riaracháin agus na costais a chruthaítear leis an Treoir d'fhiontraithe, go háirithe d'fhiontair bheaga agus mheánmhéide (FBManna anseo feasta) agus do mhicrifhiontair, chomh maith leis na rialacha docta atá beartaithe maidir le pionóis. Creidimid go gcruthaíonn socruithe ar leithligh d'aon nideog amháin neamhchinnteacht agus nach bhfuil gá leis.

Ar an gcéad dul síos, méadóidh na coinníollacha agus na ceanglais nua atá beartaithe an t-ualach ar thrádálaithe le linn an phróisis cur chun feidhme toisc go bhfuil an oiread sin ceanglas nua ag baint leis na próisis deimhniúcháin agus fíoraithe agus a thógfaidh go leor ama, rud a chuirfidh moill ar aistriú faisnéise chuig na tomhaltóirí. Creideann an Laitvia nach mór comhréireacht a bhaint amach chun ró-rialáil an mhargaidh a chosc.

Creidimid nach gcuirfidh an cur i láthair mionsonraithe agus liosta na ndualgas, na n-éileamh agus na scéimeanna a bhaineann leis an aeráid sa togra, nach gcuirfidh siad breisluach ar fáil ach go gcruthóidh sé ualach suntasach riaracháin do na húdaráis inniúla. Cé go n-aontaíonn gach duine go bhfuil sé ríthábhachtach ualaí riaracháin a laghdú chun iomaíochas ghnó na hEorpa a choinneáil ar bun, ar an drochuair, tá an togra seo ag teacht salach ar sprioc an Choimisiúin Eorpaigh an tuairisciú a laghdú 25 %.

Ar an dara dul síos, dar leis an Laitvia, ba cheart ról an Choimisiúin a neartú maidir leis na bearta tacaíochta a leagtar amach sa Treoir a chur ar fáil do FBManna agus do mhicrifhiontair.

Forchuirtear go leor oibleagáidí nua ar na Ballstáit cheana féin leis an Treoir seo (ualach riaracháin breise ar na húdaráis um fhaireachas margaidh lena gcinntear coinníollacha mionsonraithe maidir le maoirseacht, gearáin a láimhseáil agus pionóis a chur i bhfeidhm, lena n-áirithítear go bhfuil na ceanglais uile á gcomhlíonadh ag trádálaithe, measúnuithe is gá chun a n-éilimh aeráide a chruthú, etc.)

Ina theannta sin, coinnímid ár bhforchoimeádais maidir leis an gcóras pionóis a leagtar amach in Airteagal 17. Ní chreidimid go bhfuil gá leis na bearta sin, ós rud é go bhfuil rialacha comhchosúla bunaithe cheana féin sa Treoir maidir le Cleachtais Tráchtála Éagóracha agus gur leor iad sa chomhthéacs sin. D'fhéadfadh tionchar diúltach a bheith ag na pionóis atá beartaithe sa Treoir seo ar chur i bhfeidhm na Treorach maidir le Cleachtais Tráchtála Éagóracha mar uirlis chothrománach cosanta tomhaltóirí.

I bhfianaise an mhéid thuas, staonann an Laitvia ón vótáil.
